

Namminersorlutik Oqartussat sakkut pillugit inatsimmik allannguissamut siunnersuummik atuutsitsilernissaat pillugu Inatsisartunut aalajangiiffigissatut siunnersuut (Aallaasinik il.il. pigisaqarnissamut ukiunik killiliineq kissalu aallaasinik inissiivinnik piumasaqaat)
(Aalisarnermut, Piniarnermut, Nunalerinermut Imminullu Pilersornermut Naalakkersuisoq)
(Siullermeerneqarnera)

Naalakkersuisunut siunnersuummut qujanaq, Demokraatiniit tapersikkatsinnut.

Uannut inuttut pingaaruteqartuuvoq, 2010-mili sakkut pillugit inatsisip sakkortusinissaanik siunnersuuteqarnikuugama. Nuannaarutigaa, maannakkut ukiorpassuit utaqqereerluta siunnersuummik suliaqartussanngoratta, pingaarutilinnik imaqartumik, taamanikkut ersarissarsimasannik.

Inatsisissatut siunnersuutip kisimiilluni sakkunik pigisaqarnissamut atuinnissamullu killissarititaasoq ukiunut 15-inut inissinneqassasoq. Tassunga ilutigalugu periarfissaq attatiinnarneqassaaq, inuusuttut 12 aamma 15 ukiullit aallaaniarnermik piniarnermillu ilinniarsinnaanerit, inersimasumik peqateqarlutik. Silatusaartumik aaqqiineq, isumannaannerulernermik pilersitsisoq aammalu aallaaniarnermi- aamma piniarnermi ileqqutoqqatsinnik ataqqinnittoq. Meerartagut inuusuttagullu kulturitsinnut akuussapput, ingalassimaartissavarpulli, killeqanngitsumik sakkunik atuisinnaanerit.

Pingaarutilik alla tassaavoq isumannanngitsumik toqqorsimanissaannut piumasaqaat. Sakkut imassallu siunissami immikkoortillugit toqqorsimaneqartassapput, susassaqqanngitsunik tiguneqarsinnaajunnaarlugit. Ukiorpasuaarni taassuma aaqqinneqarnissaa ilungersuutigisimavara, nalunnginnakku, ajutoornerpassuit alianartorpasuaillu ameerlavallaat pinikuusut, sakkut angerlarsimaffinni tiguinnaanerini. Uani aallaaniat piniartullu naallerarniarneqanngillat, inuiaqatigiitsinnili sillimaniarnermut akisussaaffimmik tigusinissamut tunngalluni.

Pisumik ilungersunartorpasuaarnik ameerlavallaanik takoreersimavugut – aallartoorfigitinnerit, imminut toqunnerit pinerlunnerit – aallaasit atorneqarlutik. Uuminnga inatsimmik allannguineri pingaarutilimmik alloriassaagut pisut tamakku pinaveersaartinniarlugit.

Taamatut oqaaseqarlutik Demokraatit siunnersuut akuereqqullugu innersuussutigaat ataatsimiititaliamilu susasaqartumi suliareqqinneqarnissaanik innersuussuteqarlutik.